

Broj: 01-14-4-1224-10/16  
Sarajevo, 09.11.2016. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), a na prijedlog Komisije za javne nabavke imenovane rješenjem broj: 01-14-4-1224-1/16 od 07.10.2016. godine, direktor Federalnog hidrometeorološkog zavoda, d o n o s i

**ODLUKU**  
**o izboru najpovoljnijeg ponuđača za javnu nabavku radova**  
**- Sanacija objekta Meteorološke stanice Gradačac -**

Član 1.

U cilju odabira najpovoljnijeg ponuđača, u provedenom postupku javne nabavke – Konkurentski zahtjev za dostavu ponuda za javnu nabavku radova -Sanacija objekta Meteorološke stanice Gradačac-, evidencijski broj nabavke: 01-14-4-1224-3/16 od 17.10.2016. godine, broj obavještenja o nabavci sa Portala javnih nabavki: 615-7-3-34-3-5/16 od 19.10.2016. godine, kao najbolje ocijenjena prihvatljiva ponuda je ponuda ponuđača „**GRADNJA**“ **d.o.o. Mostar**, sa ukupnom cijenom ponude sa uračunatim popustom bez PDV-a , u iznosu od **21.132,98 KM**.

Član 2.

Ponuđač iz člana 1. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu.

Član 3.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada svi ponuđači, koji su učestvovali u predmetnom postupku nabavke, budu obaviješteni o izboru najpovoljnijeg ponuđača.

Izabrani ponuđač dužan je dostaviti dokaze o kvalificiranosti u roku od 5 (pet) dana nakon što bude obaviješten od strane ugovornog organa o rezultatima postupka nabavke, a prema tačkama 4. i 5. tenderske dokumentacije.

Član 4.

Za izvršenje ove odluke zadužuje se Sektor opštih poslova.

Član 5.

Ova Odluka stupa na snagu danom donošenja i objavit će se na web stranici Zavoda istovremeno sa upućivanjem iste svim ponuđačima koji su učestvovali u predmetnom postupku javne nabavke, shodno članu 70. stav (6) Zakona o javnim nabavkama.



## Obrazloženje

Postupak nabavke pokrenut je Odlukom o pokretanju postupka javne nabavke radova: Sanacija objekta Meteorološke stanice Gradačac, broj: 01-14-4-1224/16 od 03.10.2016. godine. Javna nabavka provedena je putem Konkurentskog zahtjeva za dostavu ponuda, procijenjena vrijednost nabavke iznosi 21.200,00 KM bez PDV-a.

Tenderska dokumentacija dostavljena je na adrese 5 (pet) ponuđača, i to na 3 (tri) istovremeno sa objavljivanjem obavještenja o nabavci broj: 615-7-3-34-3-5/16 na Portalu javnih nabavki, dana 19.10.2016. godine, a na 2 (dvije) po upućenom zahtjevu za ustupanje tenderske dokumentacije.

Dana 07.11.2016. godine, Komisija je direktoru Zavoda dostavila Zapisnik o pregledu i ocjeni ponuda sa prijedlogom o izboru najpovoljnijeg ponuđača u postupku javne nabavke radova: - Sanacija objekta Meteorološke stanice Gradačac. Komisija je blagovremeno i pravilno izvršila otvaranje pristiglih ponuda, kao i poređenje i ocjenu istih, o čemu je sačinila zapisnik u kojem je utvrđeno slijedeće:

- Da su blagovremeno pristigle ukupno dvije (2) ponude;
- Da nije bilo neblagovremeno zaprimljenih ponuda;
- Da su ponude ponuđača DOO "DŽENA" GRADAČAC i „GRADNJA“ d.o.o. MOSTAR prihvatljive.

U postupku donošenja odluke cijenjene su činjenice da je Komisija pravilno i potpuno izvršila ocjenu kvalificiranosti ponuđača, te ocjenu, poređenje i rang listu prispjelih ponuda, shodno kriteriju najniža cijena, odnosno ocijenjeno je da je Komisija pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju nesporno je da je izabrani ponuđač „GRADNJA“ d.o.o. MOSTAR izabran primjenjujući kriterij najniže cijene koja je ponuđena u iznosu od 21.132,98 KM bez PDV-a, dok je drugorangirani ponuđač ponudio cijenu u iznosu od 22.052,72 KM bez PDV-a.

Iz navedenog razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

**Pouka o pravnom lijeku:** Ponuđač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom hidrometeorološkom zavodu u roku od 5 (pet) dana od dana prijema ove odluke, u pisanoj formi, u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Dostaviti:

- Ponuđačima
- IT Centru
- a/a

